

Delegat Dragutin Rodić postavio je pitanje Vijeću ministara BiH, koje glasi:

„Zakon o popisu stanovništva, domaćinstava i stanova u BiH 2013. godine usvojen je u Parlamentarnoj skupštini BiH u februaru 2012. godine. Zakonom je regulirano da pojedina državna i entitetska ministarstva učestvuju u popisu stanovništva koji će biti od 1. do 15. aprila 2013. godine. Jasno je da ekonomske politike, strategije i razni drugi strateški dokumenti zavise od realizacije ovog zakona. Usaglašenom Mapom puta iz juna 2012. godine iz Brisela je pozdravljeno usvajanje Zakona kao značajni pomak u napredovanju Bosne i Hercegovine u procesu evropskih integracija. Neophodno je osigurati njegovu potpunu primjenu.

S obzirom da nam je preostalo manje od šet mjeseci do planiranog popisa, interesira me šta se preduzelo i u kojoj je fazi priprema popisa stanovništva, domaćinstava i stanova i da li će sve tehničke pripreme biti završene do predviđenog termina popisa?“